

中國大運河歷史文獻集成
28

主編 王雲 李泉

國家圖書館出版社

第二十八册目錄

直隸水利圖說	下	一
河北采風錄	清·王鳳生撰	一七三
東南水利略	清·凌介禧撰	二九三

其上源即完縣之祁水東流入縣境為方順河亦曰順水

一統志又東至清苑為石橋河與清苑河合即古濡水也

一減水河在滿城縣南乾隆十一年開形如半月首起完縣

之長頭村東流三十五里至滿城縣荀各庄入金線河

一蒲河古蒲水也源出完縣北蒲陽山地理志蒲陽山蒲水

所出東入濡會祁河達滿城東入清苑河

一祁河發源完縣西五雲泉會放水河廣利渠入蒲河達清

苑河

一放水河古蘇水也源出完縣馬耳山石白泉會五雲泉東

南流經唐縣之放水村為放水河又東南流經唐縣之常

豐村會祁水入廣利渠其水為方順河上源而下流行曲

逆河故道也

九龍泉河在望都縣城西北有沈家泉清泉兩堤南泉北泉堅功泉北龍等七泉匯流成河繞城而東至岔河口又會壩龍湧魚兩泉為九龍河與清水河合入清苑縣歸安州依城河乾隆二十八年代賑案內挑挖又二十八年水利案內復濬

清水河在望都縣南一統志源出縣西南一里曰清泉東北流入隍又東流合九龍河

徐河一曰順水畿輔通志源出易州五迴嶺經滿城縣為大丹河至安肅縣為徐河今下流已斷其故道遂為漕河所經而徐河不可識一統志所載已有今昔之變遷矣

一漕河在安肅縣南水經注徐水又東左右漕水水出西北朔寧縣漕河澤今上源不可考即行徐水之故道東南入安州境又東南流經善馬寺其分支北流至老河頭正支又東南流經李家村匯依城河乾隆二十八年挑濬

一雞爪泉發源定興縣西南隅至申家庄與萍泉合入濕河乾隆九年水利案內挑濬

一萍泉在安肅縣西北隅田村由泉口流出逕定興縣境之申家庄與雞爪泉合入濕河乾隆九年水利案內挑濬

一依城河在安州西北合渝曹方順諸水至安州西會流為依城河經州北至新安西南會雹水為長流河乾隆九年初次水利案內挑濬二十八年急工案內復濬

一瀑河亦曰鮑河俗謂雹河古南易水也源出易州石獸岡
會雞爪萍泉諸水至新安黑龍口入淀一統志自易州流
入東運新安西與依城河合為長流河乾隆二十八年代
賑案內施挖又二十八年水利急工案內復濬

一新河在新安縣上接瀑河下至南河開止長二十里乾隆
九年水利案內挑濬

一護城河在新安縣上接府河下至長流河止長二里

一四股河在新安縣東南一統志元正中所鑿流分四股皆
溫義河下流入任邱縣境為四角河

一四角河一接高陽河一接長流河一接白溝河之支流過
趙北口柴未淀入玉帶河

一王家河貼同口村止四丈乾隆九年初次水利業內挑挖
一韓家埝引河在新安西北上無來源專洩谷城澗水自谷
城野橋村起至山西村長十九里有奇乾隆二十八年急
工業內挑挖

一唐河即古滏水一統志源出靈邱高氏山倒馬關經完縣
西北唐縣西南界入東南入慶都定州至祁州三岔口與
滋沙二河合於豬龍河

一沙河古泝水也方輿紀要源出山西繁峙縣白坡頭以逕
大泝山故名自定州流入至祁州三岔口與滏滋二水合
入豬龍河

一滋河即古慈水也源出山西靈邱故回山山海經高氏之

山溢水出為向流注于潯沱今不入潯沱由靈壽百草口入直境經行唐正定入地伏流東行四十里復出又東流入藁城無極深澤等境至祁州之三岔口入唐河合潯龍河

按行唐縣志潯河古與潯沱河合流今折而東北與滹沙二水合不入潯沱矣

一三岔河在新安縣南一統志上接溫義下通四股南通豬龍為三岔河

一胭脂河發源阜平縣青竿嶺東流逕胡家堂又東流會當城河至王快鎮入沙河

一當城河發源山西五台山自馬蘭村入阜平縣境北流至

胡家堂入胭脂河歸沙河

一平陽河發源阜平縣大茂山東南流至曲陽之賈家口入沙河

一斑峪河在阜平縣東四十里畿輔通志發源本縣炭火鋪流迤縣東入沁河又難子河出山西靈邱縣亦經縣東入沙河

一兆流河在阜平縣龍泉關外發源西八里之印鈔石山下流至縣西北入沙河

一孟良河發源曲陽縣青漬崖東南流三十六里入定州界至城東辛店村長三十七里會入小清河

一曲河發源行唐縣西嶺口山谷間東南入新樂西境入沙

河

一古洋河在深州屬歷安平饒陽獻縣肅寧河間由任邱五
官淀雄縣蒲淀出王村口間歸趙北口以東滎大淀幾二
百里亦滹沱河故道也

一古唐河上源無考受肅寧一帶滹水亦以洋河為歸宿乾
隆二十八年水利案內挑展深通詳修治

一琉璃河在新城縣自涿州流入舊志舊止小溝嘉靖年間
其溝自底突湧裂土成河與運河相通今琉璃河逆流自
涿州茨村西南行運縣東南合紫泉河又南至白溝店入
白溝河蓋自嘉靖後又改流也

按涿州之茨村正西有潭河決入之口舊時潭河從固

安故城村決而西南至茨村東北合琉璃河及廣陽鹽溝
胡良諸河遂直衝茨村分為二股渾河漸徙而東至康熙
戊辰始盡淹塞不復相通其故道由涿州固安永清東安
霸州界今皆為渾河所奪而琉璃河遂南入新城縣界由
茅兒灣抵清河矣

一鹽溝河古福祿水也在良鄉縣南畿輔通志源出宛平縣
龍門口東南合廣陽河入琉璃河

一廣陽河在良鄉縣東畿輔通志源出房山縣之公村南流
至縣城東會鹽溝為牝牛河會琉璃河入巨馬河

一胡良河亦名胡梁河在涿州北畿輔通志源出房山縣大
安山流入州北又東南流入琉璃河

一挾河亦曰挾活河在涿州北方與紀要出房山中環谷流
入涿州與胡良河合琉璃河

一薤芭房河自宛平縣馬跑泉發源由董公巷通濟橋經房
山良鄉南流至小蘆溝與黃管屯河會合南流至長楊村
東三分口入廣陽河歸琉璃河

一黃管屯河發源房山縣水流坊東南入良鄉縣流至小蘆
溝橋與薤芭房河會廣陽河入琉璃河

一雅河發源房山縣西王佐經良鄉東南流至楊村東入廣
陽河歸琉璃河

一涿水在涿州西古桃水也水經注涿水世謂之桃水出涿
縣故城西南奇溝東八里大坎下數泉同出東逕桃仁墟

寰宇記涿水源出范陽縣西土山下東北流迤北五里之東注聖水按聖水即今之琉璃河而桑乾河亦有涿水入入濕水之涿水非此涿水也

一樂水河古樂水也在房山縣南水經注樂水出縣西北入房山南東南流注聖水聖水即琉璃河

一龍泉河源出房山縣北大安山下流逶迤鄉縣西南合琉璃河

一秋蘭河在涿水縣發源涿水縣平樂山流迤定興縣入巨馬河

一瀉水在定興縣西自易州流入一名沙河即北易也縣志沙河有四源一出北梁村一出白楊嶺合流注至長安城

北與馬跑泉河會又迺灤河之合流而東名曰沙河又東南與易水河合為巨馬河

一易水河在定興縣南即中易也源出易州西山武奉顏水經注易水東出與灤水合又按縣志易水又名百澗泉自樂堡入縣境至河陽渡又與涑水合

一斗門河在新城縣西一統志即宋河承矩開斗門興水利處源出縣西北李家營舊注高橋窪今改入琉璃河乾隆九年初次挑濬

一紫泉河在新城縣西一統志元泰定中水色變紫故名臨出縣西北龍堂村有泉數派合而為一舊南流注高橋窪今改入琉璃河乾隆九年初次挑濬

一高橋窪即高橋河故道也畿輔通志受紫泉斗門二水由
四庄西窪入巨馬河今河源湮塞故道猶存

一新開十九堡引河在新城縣東自十九堡村西起至亭橋
會入蘆僧河計長一千四百四十三丈乾隆九年水利按
內開挖

一新開馮家營引河在新城縣東南自馮家營村西起至朱
遠村北會流入蘆僧河計長二千七百一十八丈乾隆九
年水利案內開挖

一白溝河在新城縣南通志巨馬易沙諸水合流於定興之
河陽渡為白溝河南至新城縣東逕容城縣城東南入毛
兒灣達玉帶河

一巨馬河即涑水也自易州涑水縣流入水經注涑水逕道縣謂之巨馬河東南逕范陽縣故城北易水注入東承廊亭溝水又東注督亢溝水至下流謂之白溝河按白溝乃巨馬支津自宋以來始總號巨馬為白溝也

一蘆僧引河在新城縣南自高橋村起至雄縣交界孫家嘴止計長二十九百九丈乾隆九年開挖

一迎紫河發源易州洪崖山入縣境歸秋蘭河

一百澗河發源易州白澗村入縣境與巨馬河會流

一涑水通志源出廣昌縣涑山流入紫荆關至房山鐵鎖崖分為二支一南流涑水縣過定興而東一東流涑州逕新城西南二派合流為白溝河